

乾

象

通

鑑

乾象通鑑卷第九十八

河間府免解進士臣李季奉

聖旨編

秋星總論

天棓星

天槍

初庚切星

天撓

楚街切星

蚩尤旗星

天衝星

國皇星

昭明星

司危星

天譴星

五殘星

六賊星

獄漢星

旬始星

天鋒星

燭星

蓬星

長庚星

四鎮星

地維藏光星 老子星

枉矢星

天狗星

營頭星

蓬絮星

祲星總論

天文別錄曰祲星者五行之氣五星之變各見其方
以為殃災各以其日五色占之而因命之吉凶也
行則無道之國失禮之邦為兵為饑水旱死亡之
徵也又曰凡祲星所出形狀不同為殃如一其出
不過一年若三年必有破國屠城其君死天下大
亂軍士亂行戰死于野積尸縱橫餘不盡為水旱
為兵饑疾疫之殃又曰凡祲星出見長大災深短

小災淺長近三尺至五尺期百日五尺至一丈期
一年一丈至三丈期三年三丈至五丈期五年五
丈至十丈期七年十丈以上期九年審以察之其
災必應

古今星釋曰秋星之大者有二一曰彗星所謂掃星
本類星末類彗小者長數寸長寸者爲竟見則兵
起大水主掃除除舊布新有五色各依五行本精
所主彗體無光假日而爲光故夕見則東指晨見
則西指在日南北皆隨日光而指頭刺其芒或長
或短光芒所及則爲災二曰孛星彗之屬也偏指

曰彗芒氣四出曰孛孛者孛孛然非常惡氣之所
生也內不有大亂則外必有大兵天下合謀鬪殺
不明有所傷害墨子曰君若不政彗星時出彗星
何詎乎由是孛災甚於彗

大象旁通曰女帛者五星氣合之變出東北水木氣
合也又曰東北有星長三丈而出名曰女帛見則
天下兵起若有大喪又東北有大星出名女帛見
則天下有大喪盜星者五星氣合之變出東南火
木氣合也又曰東南有星長三丈而出名曰盜星
見則天下有大盜多寇賊積陵者五星氣合之變

出西北金水合氣也又曰西南有星長三丈名積
陵見則天下隕霜兵大起五谷不成人饑端星者
五星氣合之變出與金木水火合於四隅有星大
而赤察之中黃數動長可四丈此土之氣効於四
季名曰四隅端星所出兵大起昏昌有星出西北
氣者赤以環之中赤外青名曰昏昌見則天下兵
起國易政先起者昌後起者亡高十丈亂一年高
二十丈亂二年高三十丈亂三年萃星有星西北
狀如環之名曰萃星見則諸侯有失地西北圓白
星有星非星狀如削瓜有勝兵名曰白星白星出

爲男喪菟昌西北菟昌之星有赤環之有殃有青
爲水此星見則天下改易彙星夜有赤氣如牙旗
長短四面西南最多又曰彗星亂之象又曰徧天
薄雲四方生赤黃氣長三尺乍見乍沒尋皆消滅
一又曰彗星見天下有兵戰國流血或曰徧天薄雲
四方合有八氣蒼白色長三尺乍見乍沒

歲星之持流爲天棊

音替

天捨

初庚切

天猾天衛國皇反

登一日天棊一日覺星或曰天格本類星未銳長四
寸主奮爭又曰天棊出其國凶不可舉事用兵又
曰期三月必有破軍拔城又曰天棊見女主用事

其本者爲主人二曰天槍主捕制或曰撓

楚街雲切

如牛槍雲如馬或曰槍左右銃長數丈天撓本類

星末銃長丈三曰天猾主招亂又曰人主自恣逆

天暴物則天猾起四曰天衛狀如蒼衣赤首不

動主滅位又曰衛星出臣謀主武卒發又曰天衛

抱極泣帝前血濁霧下天下寃五曰國皇或曰機

星散爲國皇國皇之星大而赤南極老人星也主

滅姦主內寇難見則兵起天下急或云去地一二

丈如火炬狀

後客星內亦有國皇名同而占異

又曰天登主彘分

皆少陽之精司徒之類青龍七宿之域有謀反若

志雲爲害主失春政者以出時衝爲期皆主君微也

歲妖

妖星皆見於月旁互有青色方雲以甲寅日見歲星所生雲歲星所生出在甲寅日其星咸有兩青方在其旁

天槍星在其宿中

天根星在尾宿中

天荆星在心宿中

貞若星在房宿中

天棣星在氐宿中

天樓星在亢宿中

天恒星在角宿中

已上七星之變即木氣所生出月左右青方氣之中

以其所生星將出不出日數期候之當其未出之前而見見則有水旱兵喪饑亂所指亡國失地王死破軍殺將

熒惑之精流為析旦蚩尤旗昭明司危天撓一曰析旦或曰昭明主弱之符又曰析旦橫出參擢百尺為相誅滅二蚩尤旗或曰旋星散為蚩尤旗或曰蚩尤旗五星盈縮之所生也狀類彗而後曲象旗或曰四望無雲獨赤雲蚩尤旗也或曰蚩尤旗如箕可長二丈末有星又曰亂國之王棄邪並積有雲若植萑竹長黃上白下赤名曰蚩尤旗主誅逆

國又曰帝將怒則蚩尤旗出又曰霍王反度則蚩
尤旗出或曰本類星而後委曲其像旗旛可二三
丈見則王者旗鼓大行大行征伐四方兵大起不
然國有大喪三曰昭明者五星變出於西方名曰
昭明金之氣也又曰赤彗分爲昭明明滅光像
如太白七芒或以爲起霸之徵也或曰攝星散爲
昭明又曰西方有星望之去地可六丈而有光其
數太白類動察之中赤是謂西方之野星名曰昭
明出則兵大起其出也下有喪出南方之邦失地
或曰昭明如太白不行主起有德又曰西方有星

大而白有角目下視之名曰昭明金之精出則兵
大起若守房心國有喪必有屠城昭明下則爲天
狗所下者大戰流血四曰司危或曰機星故爲司
危又曰白彗之氣分爲司危司危平以爲非爭之
徵或曰司危星大有毛兩角又曰司危星類太白
數動察之而赤司危出疆國盈主擊疆侯兵也又
曰司危見則王失法期八年豪傑起天子以不義
失國有聲之臣行主德也又曰司危見則其下國
相殘賊又曰司危出正西西方之野星去地可六
丈大而白類太白一日見兵起疆又曰司危出則

正其下兵衝不利五日天撓其狀白小數動是謂撓星一名斬星天撓主殺將又曰天撓見女主用事者其本為主人又曰天撓出其下相撓為饑為兵赤地千里枯骨籍籍亦曰天撓出其國內亂又曰太陽之精赤鳥七宿域有謀反恣虐為害主

熒惑妖

妖星皆見於月旁互有赤色方雲以丙寅日見熒惑所生云熒惑所生出在丙寅日有兩赤方在其旁

天陰星在軫宿中 晉若星生翼宿中

官張星在張宿中 天惑星在七宿中

失政

天雀星在柳宿中 赤若星在生鬼宿中

蚩尤星在井宿中

已上七星之變即火氣所生出月左右赤方氣之中
以其所生星將出不出日數期候之當其未出之
前而見見則有水旱兵喪饑亂所指國亡失地王
死破軍殺將

鎮星之精流爲五殘六賊獄漢大責邪星絛流第星
旬始擊咎一曰五殘或曰旋星散爲五殘亦曰蒼
龍散爲五殘故爲毀敗之衝或曰五殘五殘分亦
曰一本而五枝也期九年姦與三九二十七大亂

不可禁又曰五殘者五行之變出於東方名曰五殘木之氣也一曰五鋒又曰五殘星出正東東方之野狀類辰星可去地六七丈而白主非亡或曰東方有星望之去地可六丈大而赤察之中青或曰星表青氣如暈有毛其類歲星是謂東方之野星名曰五殘出則兵大起其出也下有喪出北則東方之邦失地又曰五殘出四蕃虛天子有急兵或曰五殘大而赤數動察之有青又曰五殘出則兵起二曰六賊者五行之氣出於南方或曰六賊火之氣也或曰六賊星形如彗又曰南方有星望

之可去地六丈赤而數動察之有光其類熒惑是
謂南方之野星又曰六賊出則兵大起其國亂其
出也下有喪出東方則南方之邦失地又曰六賊
星見出正南南方野星去地可六丈大而赤數動
有光三曰熒漢一曰咸漢或曰權星散爲熒漢又
咸漢者五行之氣出於北方水之氣也熒漢青中
赤表有三彗縱橫主逐王刺王又曰北方有星望
之可去地六丈大而赤數動察之中青黑其類辰
星謂北方之野星名曰咸漢出則兵起其下有喪
出西方則北方之邦失地又曰熒漢動諸侯驚出

則陰橫四曰大賁主暴衝五曰炤星主滅邦六曰
絀流動天下教主伏逃又曰絀流主自理無所逃
七曰第星在東南本有星未類第所當之國寔受
其殃八曰旬始出於北斗旁狀如雌雞其怒青黑
狀象伏鷲又曰黃彗分為旬始旬始者令起也狀
如雄雞土舍陽以文白接精象雞故以為立王之
題期十年聖人起代又曰旬始主爭兵主亂主招
橫又曰旬始照其下必有滅王五姦爭作暴骨積
骸以干續食見則臣亂兵作諸侯為虐又曰常以
戊戌日視五車及天市天庫中有奇恠曰旬始狀

如鳥有喙而見者則兵大起攻戰當其首者破死
又曰出見北斗聖人受命天子專王者有福九曰
擊咎臣下犯主一曰臣禁主主大兵又曰土精斗
七星之域以長四方司空之位有謀反恣虐者占
如上

鎮妖

鎮妖見於月旁五有黃色方雲以戊寅日見鎮星所
生云鎮星所生出戊寅日有兩黃方在其旁

天上

天伐

從星

天振

天暈

天沸

荆楚

已上七星之變即土氣所主出月左右黃方氣之中
以其所生星將出不出日數期候之當未出之前
而見見則有水旱兵喪饑亂所指亡國失地主死
破軍殺將

太白之精散爲天杵天拊伏靈大敗司姦天狗天殘
卒起一曰天杵搗羊二曰天拊主擊殃三曰伏靈
主領讒伏靈出天下亂復入四曰大敗主闕衝或
曰大敗出擊咎謀五曰司姦主見祿六曰天狗亦
曰五星氣合之變出西南全火氣合名曰天狗或

曰天狗星有毛旁有短彗下有如狗形者主候兵
主討賊亦曰天狗流五星聞之又曰西北方有星
長三丈而出水金氣交名曰天狗亦曰西北三星
大而白名天狗見則大兵起天下饑人相食又曰
天狗所下之處必大戰破軍殺將伏尸流血天狗
食之皆期一年中二年遠三年各以其所下之處
以占吉凶使流星內天狗名同占狀小異七日天殘主貪殘八日
卒起卒起見禍無特諸變有萌臣運柄又曰少陰
之精大司馬之類白獸七宿之域有謀反若恣雷
為害主失秋政者期如上占禍亦應之

太白妖

太白之妖見於月旁有白方雲以庚寅日見太白所
生云太白所生以庚寅日出其星咸有兩白方在
其旁

若星生參宿中

帚星生觜宿中

若彗星生畢宿中

竹彗星生昴宿中

牆星生胃宿中

椽星生婁宿中

白蘆星生奎宿中

已上七星之變出月左右方氣之中其所生星將出
不出日救期候之當期未出之前而見則有水旱

兵喪饑亂所指亡國失地主死破軍殺將

辰星之精散爲枉矢破女拂樞滅實統迂驚理大奮

祀一曰枉矢或曰鎮星之變爲枉矢又曰機星散

爲枉矢亦曰枉矢五星盈縮之所生也方弩之象

也類大流星色蒼黑蛇行望之如有毛目長數匹

著矢主反萌主射愚又曰黑彗分爲枉矢枉矢者

射也枉矢見謀反之兵合射所誅亦爲以亂伐亂

又曰人君暴已則有枉矢動亦曰枉矢類流星望

之有毛目可長一匹布皎皎著天則見大兵起大

將出方弩用期三年曰枉矢所觸天下之所伐射

滅之象也二曰破女破女若見君臣皆誅主勝之
符三曰拂樞拂樞動亂駭擾無調時又曰拂樞主
制時四曰滅寶起相得之又曰滅寶主伐之五日
繞逆繞逆主亂孽六曰驚理驚理主相署七日大
奮祀主招邪或曰大奮祀出主安之太陰之精玄
武七宿之域有謀反若恣霍爲害主失冬政者期
如上占禍亦應之又曰五精潛潭巴皆以類逆所
犯行失時指下臣承類者乘而害之皆滅亡之徵
也入天子宿主滅諸侯五伯謀

辰妖

辰妖出月旁有黑色方雲以壬寅日見皆辰星所生云辰星妖所生出壬寅日有兩黑方在其旁

天美星生壁宿中

天堯星生室宿中

天社星生危宿中

天麻星生虛宿中

天林星生女宿中

天蒿星生牛宿中

端下星生斗宿中

已上七星之變妖即辰星氣所生出月左右方氣之中以其所生星將出不出日數期候之當其未出之前見見則有水旱兵喪亂所指亡國失地王死破軍殺將

晉惠帝永康元年三月妖星見丁南方占曰妖星出天下大兵將叛是月賈后殺太子趙王倫尋廢殺后斬司空張華又廢帝自立於是三王並起迭總天權

天棊音星

天文別錄曰天棊星一名覺星本類星末銳長四丈或出東方北方西方主奮爭

天槍初庚星

天文別錄曰天槍星其出不過三月必有破國亂軍伏死其辜殃之不盡當有旱饑暴疾

天攬楚衛星

天文別錄曰天攬星石申言雲如牛狀甘德言本類星未銳巫咸曰彗星出西方長可二三丈爲天攬

主捕制

漢孝文帝後元二年正月壬寅天攬夕出西南占曰
爲兵喪亂其六年十一月匈奴入上郡雲中漢起
三軍以衛京師

蚩尤旗星論

天文別錄曰蚩尤旗星類彗而曲象旗爲蚩尤旗或
曰赤雲獨見爲蚩尤旗一曰其色黃上白下爲蚩

尤旗一曰若植萑而長名曰蚩尤之旗一曰如箕可長二丈末有星名曰蚩尤旗主伐叛逆主惑亂所見之分其下有兵兵大起不然有喪

魏高貴鄉公正元元年十一月白氣出南斗側廣數丈長竟天王廟曰蚩尤之旗也東南其有亂乎案占蚩尤旗見王者征伐四方自後又征淮南西平巴蜀是歲吳主孫亮五鳳元年也

晉明帝咸寧四年四月蚩尤旗見于東井後年傾三方伐吳是其應也

天衝星

天文別錄曰天衝星出如人蒼衣赤頭不動見則臣謀主武卒發天子亡

國皇星論

天文別錄曰國皇星大而赤類南極老人星或曰去地三文如火炬主內寇內難或曰其下起兵兵彊或曰外內有兵夷喪

漢天文志曰國皇星大而赤狀類南極所出其下起

兵兵彊其衝不利

孟康曰歲星之稽散所爲也五星之稽散爲六十四變志記不盡

後漢靈帝光和中國國皇星東南角去地一二丈如炬

火狀十餘日不見占曰國皇星爲內亂外內有兵

喪其後黃巾賊張角燒州郡朝廷遣將討平斬首
十餘萬級中平六年宮車晏駕大將軍何進令司
隸校尉袁紹招募兵千餘人陰時雒陽城外竊呼
并州牧董卓使將兵至京都共誅中官對戰南北
宮闕下死者數千人燔燒宮室遷都西京及司徒
王允與將軍呂布誅董卓卓部曲將郭汜李傕旋
兵攻長安公卿百官吏民戰死者且萬人天下之
亂皆自內殺

梁普通元年九月乙亥有星辰見東方熒如火占曰
國皇見有內難有急兵反叛其三年義州刺史文

僧朗以州叛

昭明星論

天文別錄曰昭明星象如太白光芒不行或曰大而
白無角乍上乍下一曰赤彗分曰昭明昭明滅光
以爲起霸起德之徵所起國多兵變一曰大人凶
兵大起

漢天文志曰昭明星大而白無角乍上乍下所出國
起兵多變

五稜曰形如三足几几上
有九彗上向炎惑之精也

司危星論

天文別錄曰司危星如太白有目或日出正西西方

之野星去地可六丈大而白或曰大而毛兩角
或曰類太白數動察之而赤為非之術主擊彊兵
則見主失法豪傑起天子以下義失國有聲之臣
行主德

漢天文志曰司危星出正西西方之星去地可六丈
大而白類太白孟康曰星大而毛兩角
或曰之精也

天讒星論

天文列錄曰天讒星彗出西北狀如劍長四五丈或
曰如劍長四丈或曰狀白小教動主殺罰出則其
國內亂其下相讒為讎兵赤地千里枯骨籍籍

五殘星論

天文別錄曰五殘星一名五縫星出正東東方之星
狀類辰可去地六七丈或曰蒼彗散爲五殘如辰
星出角或曰星表有氣如暈有毛或曰大而赤數
動察之而青主乖亡爲五分跂敗之徵亦爲備急
兵見則主誅政在伯野亂成有急兵有喪不利衛
漢天文志曰五殘星出正東東方之星其狀類辰去
地可六丈大而黃

孟康曰星表有青氣
如暈有毛殘星之精

六賊星論

天文別錄曰六賊星見出正南南方之星去地可六

丈大而赤動有光或曰形如彗五殘六賊出禍合
天下逆侵闖拒其下有兵衝不利

漢天文志曰六賊星出正南南方之星去地可六丈大

而赤數動有光

孟康曰形如彗芒几
星有毛鎖星之精

徵漢星論

天文別錄曰獄漢星一名咸漢出正北北方之野星
去地可六丈大而赤數動察之中青或曰赤表下
有三彗從橫主逐王主刺王出則陰精橫兵起其
下又爲喪動則諸侯驚

漢天文志曰咸漢星出正北北方之星去地可六丈

大而赤教勳察之中青

五帝曰一名緹漢星音中赤表下有三星從橫亦鎮

星之積也

旬始星論

天文別錄曰旬始星北斗旁如雄雞其怒有青黑象伏龍或曰怒雌也主爭兵又曰黃芩分爲旬始爲立主之題主亂主招橫見則多亂兵作諸侯雲期十年聖人起伐群猾橫恣或日出則諸侯雄鳴

天鋒星論

天文別錄曰天鋒星彗象矛鋒天下從橫則天鋒見

燭星論

天文別錄曰燭星如太白其出也不行見則不久而
滅或曰主星上有三彗上出所出城邑亂有大盜
不成又以五色占孟康曰星上有三彗
上出亦燭星之精也

漢昭帝元鳳五年四月燭星見奎婁間占曰有土功
胡人死造城和其六年正月築遼東玄菟城二月
度遼將軍范明支擊烏桓還之

蓬星論

天文別錄曰蓬星大如二斗器色白一名玉星狀如
夜火之光多至四五少至二三日蓬星在西南
長數丈左右銳出而易處星見不出三年有亂臣

戮死又曰所出大水大旱五穀不收人相食

古今星釋曰星火如二斗器其色黃白不過三天名曰蓬星又曰蓬星狀如粉絮見則天下道術士當有出者布衣之士貴所居者期不出三年又曰蓬星出太微中天子立王

漢孝景中元三年六月壬戌蓬星見西南方住房去房南可二丈大如二斗器色白癸亥在心東北可長丈所甲子在尾北可六丈丁卯在箕北近漢稍小如挑壬申去凡十日蓬星出必有亂臣且房間天子宮也是時梁王欲爲漢嗣使人殺漢諍臣袁

盜案誅梁大臣斧鉞用梁王恐入闕伏斧鉞謝罪
然後得免

漢孝昭元始中蓬星出西方天市東門行過河鼓入
營室中板白蓬星出六十日不出三年下有亂臣
戮死於市其後左將軍桀驃騎將軍安與長公主
燕刺王謀作亂咸伏其辜兵誅烏桓

陳後主至德元年正月壬戌蓬星見占曰必有亡國
亂臣後帝於太皇寺捨身作奴以求冥助不恤國
政焉施文慶等所惑以至亡國

晉孝武大元二十年九月有蓬星如粉絮東行南歷

女虛至哭星占曰蓬星見不出三年必有亂臣戮
死市是時王國寶交謀朝廷至隆安元年王恭等
興兵而朝廷殺王國寶王緒

長庚星論

天文別錄曰長庚星如一匹布著天星見則兵起星
墜至地則石也

唐僖宗光啓二年十月壬戌有星出于西方色白長
一丈五尺屈曲而墮占曰長庚也其下流血

四鎮星

天文別錄曰四鎮星出四隅去地可六丈餘或曰四

丈或曰星大而赤去地二丈常以夜半時出見十日而兵起皆爲兵起其下

古今星釋曰四鎮星見四隅皆兵起其下出東南隅其野有急兵出東北隅其下有內亂以兵亡國出西南隅其下破軍殺將出西北隅其下有屠城

地維藏光星論

天文別錄曰地維藏光星出四隅或曰大而赤去地二三丈如月始出見則其下有亂亡者有德者昌天文總論曰地維藏光者五行之氣出於四季土之氣也四隅有星望之去地四丈而赤黃搖動其類

鎮星是謂中央之野星出於四隅名曰地維藏光
出東北隅天下大水出東南隅天下大旱出西南
隅則有兵起又曰地維藏光見下有亂亡者有德
者昌

老子星論

荊州占曰老子四星色淳白然所見之國為饑為凶
為善為惡為喜為怒常出見則兵大起人主有憂
王者以赦除咎則消災

枉天星論

天文別錄曰枉天星類流星蒼黑蛇行望之如有毛

目長數匹著天主反萌主射愚見則謀反之兵合射所誅以亂伐亂

秦始皇時有枉矢西流枉矢所觸天下之所伐射滅之象也物莫直於矢今蛇行不能直而枉者執矢者亦不正以象項羽執政亂也羽遂合從阮秦人屠咸陽凡枉矢之流以亂伐亂也

晉惠帝元康四年甲午枉矢東北行天六年六月丙午夜有枉矢自斗魁東南行案占曰以亂伐亂北斗主殺出斗魁居中執殺者不直之象也是後趙王殺張裴廢賈后以理太子寃因自篡盜以至屠

滅以亂伐亂之應也

光熙元年五月枉矢西南流是時司馬越西破河間
兵奉迎大駕尋收繆胤何綏等肆無君之心天下
惡之及死而石勒焚其屍柩是其應也

晉元帝太興三年四月壬辰枉矢出虛危淺翼軫占
曰枉矢所觸天下之所伐冀軫荆州之分至太寧
二年王敦殺譙王承及甘卓而敦又襲夷枉矢觸
翼之應也

晉穆帝升平二年十二月枉矢自東南流于西北其
長半天占曰有大兵流血至海西太和五年相溫

壽春破符堅六月壽春城陷

天狗星論

荆州占曰西北三星大出而白名曰天狗出則人相
食大凶

天文別錄曰天狗狀如亡奔星色黃有聲其止地類
狗所墜望之如火光炎炎衝天其上銳其下圓如
數頃田處或曰星有毛旁有短彗下如狗形者或
曰星出其狀赤白有光下即爲天狗一星流星有
光見人面墜無音若有足者名天狗其色赤其中
黃黃如遺火狀主候兵討賊見則四方相射千里

破軍殺將或曰五將聞人相食所住之鄉有流血
其君失地兵大起國易政戒守禦

漢天文志曰天狗狀如大流星

孟康曰星有尾旁下
彗下有狗形者亦太

精白之

有聲止其下地類狗所墜及望之如火光炎

炎中其下圜如數頃田處上銳見則有黃色千里

破軍殺將

漢孝昭帝元平元年二月乙酉祥雲如狗赤色長尾
三故夾漢西行天文曰以東行爲順西行爲逆此
大臣欲行權以安社稷占曰太白散爲天狗爲卒
起卒起見禍無時臣運柄祥雲爲亂君到其四月

昌邑王賀行淫辟立二十七日大將軍霍光白皇太后廢質

漢孝文後二年八月天狗下梁壁占曰天子惡之一
曰有叛臣是歲誅反者周廢長安市七年六月雷
漢孝景三年七月天狗下占曰爲破軍殺將狗又守
禦類也天狗所降以守禦吳楚攻梁梁堅城守遂
伏尸流血其下

漢哀帝建平元年正月丁未日出時有著天白氣廣
如一疋布長餘十丈西南行謹如雷西南行一刻
而止名曰天狗傳曰言之不從則有大禍詩妖到

其四年正月二月三月民相驚動謹詳奔走傳行
詔等祠西王母

晉穆帝升平四年十月庚戌天狗見西南占有曰大
兵流血至海西太初五年溫征壽春破符堅軍六
月壽春城陷

晉孝武帝太元十三年閏月戊辰天狗東北下有聲
占曰有大戰流血自是後慕容垂翟遼姚萇符登
慕容永並阻兵爭疆至十四年正月彭城妖賊又
稱僞號於皇丘劉牢之破滅之三月張道破合鄉
太山向欽之擊走之

營頭星論

天文別錄曰營頭星營頭有雲如壞山陸所謂營頭之星所墮其下覆軍流血千里亦曰流星晝隕名

營頭

王莽地皇四年六月漢兵起南陽至昆陽莽使司徒王尋司空王邑將諸郡邑兵號曰百萬衆已至者四十二萬人能通兵法者六十三家皆爲將帥持其圖書器械軍出關東幸從郡象虎狼猛獸放之道路以示富彊用怖山東至昆陽山作營百餘圍城數重或爲衝車以撞城爲雲車高十丈以瞰城

中弩矢雨集城中員戶而汲求降不聽請出敗之
變見烏晝有雲集如壞山墮軍上軍人皆厭所謂
營頭星也占曰營頭之所墮其下覆軍流血三十

里

按星晝行名曰營頭行振大隸也

是時光武將兵數千人赴救

昆陽奔擊二公兵并力焱發號呼聲動天地虎豹
驚怖敗振會天大風飛屋瓦雨如汪水二公兵亂

敗自相賊就死者數萬人就競赴澧水死者委積
澧水爲之不流殺司徒王尋軍皆散走歸本郡王
邑還長安莽敗俱誅死營頭之變覆軍流血之應也

晉惠帝太安二年十一月辛巳有星隕中天北下光

變白有聲如雷案占名曰營首營首所在下有
大兵流血明年劉元海石勒攻掠并州多所殘滅王
浚起燕代引鮮卑攻掠鄴中百姓塗地有聲如雷
怒之象也

唐僖宗光啓三年五月秦宗權擁兵于汴州北郊晝
有大星隕于其營聲如雷是謂營頭其下破軍殺將

蓬絮星論

天文別錄曰蓬絮星色青而熒熒然所至之國風雨
不節焦旱物不生五穀不多多蝗虫

古今星釋曰蓬絮星狀如粉絮拂拂然則見其國兵

起人主有憂有大喪白衣之會

乾象通鑑卷第九十八

乾象通鑑第九十九

河間府免解進士臣李李奉

流星總論

流星總序

流星光色

流星犯日

流星犯月

衆星俱流

五星俱流

流星犯歲星

流星犯癸惑

流星犯鎮星

流星犯太白

流星犯辰星

流星總序

天文別錄曰流星天使也自上而降曰流自下而升
曰飛大者曰奔奔亦流也星大者使大星小者使
小聲隱隱者怒之象也行疾者期速行遲者期遲
大而無光者衆人之事小而有光者貴人之事大
而光者其人貴且衆也乍明乍滅者賊成敗也前
大後小者恐憂也前小後大者喜事也蛇行者姦
事也往速者往而不反也長者其事長乂也短者
事疾也無風雲有流星見良久間乃入爲大風發
屋折木小流星百數四面行者衆庶流移之象也
古今星釋曰流星之出大如麤者爲發謀起事大如

挑者爲使事大如左者其下有兵起流血

漢武帝元光中天星晝搖上以問候者對曰星搖者
民勞也後伐四夷

漢成帝綏和元年正月辛未有流星從東南入北斗
長數十丈二刻所息占曰大臣有繫者其年十一
月庚子定陵侯淳于長座執左道下獄死

後漢和帝永元二年二月丁酉有流星大如挑起紫
宮東蕃西北行五丈稍滅十二月辛酉有流星大
如拳起紫宮西行紫宮天子之宮也流星過之內
有匿謀是後竇憲女弟婿郭舉出入宮中謀爲不

執事覺和帝發校尉捕舉及黨下獄伏誅

蜀後主建興十三年諸葛亮率大衆伐魏屯于渭南有長星赤而芒角自東北西南流投亮營三投再還往大還小占曰兩軍相當有大流星來走軍上及墜軍中皆破敗之徵也九月亮卒于軍營焚而還羣帥交怨多相誅戮

魏明帝景初二年宣帝園公孫文懿於襄平八月丙寅夜有^大流星長數十丈長白色有芒鬣從首山東北流墜襄平城東南占曰圍城而有流星來走城上及墜城中者破又曰星墜當其下有戰場又曰

凡星所墜國步姓九月文懿突圍走至星墜所被
斬屠城坑其衆

魏元帝景元四年六月有大流星二並如斗西方分
流南北光照地隆隆有聲案占流星爲貴使星大
者使大是年陸鄧尅蜀二星蓋二帥之象二帥相
背又分流南北之應鍾會旣叛三軍憤怒隆隆有
聲兵將怒之徵也

晉懷帝永嘉元年九月辛卯有大星如日自西流于
東北小者如斗相隨天盡色赤聲如雷占曰流星
爲貴使星大者使大是年五月汲梁紱東燕王騰

遂據河北十一月遣和郁爲征北將軍鎮鄴西田
甄等大敗汲桑斬于樂陵於是以甄爲汲郡太守
弟蘭鉅鹿太守小星相隨者小將別帥之象也司
馬越忿魏郡以東平原以南皆黨於桑以賞甄等
於是侵掠桑地有聲如雷忿怒之象也

晉元帝永昌元年七月甲午有流星大如瓮長百餘
丈青赤色從西方來尾分爲百餘岐或散散玉躬
之亂百姓流亡之應也

晉成帝咸康三年六月辛未流星大如二斗魁色青
赤色光耀地出奎中沒婁北案占爲饑五穀不穡

是月大旱饑

咸康六年二月庚午朔有流星大如斗光耀地出天
市西行入太微占曰大人當之八年六月成帝崩
晉穆帝永和八年六月辛巳日未入有流星大如三
斗魁從辰巳上東南行晷度推之在箕斗之間蓋
燕分也紫占爲營首營首之下流血滂沱是時慕
容雋僭稱大燕攻伐無已

永和十一年四月癸未流星大如斗色赤黃出織女
沒造父有聲如雷占曰燕齊有兵百姓流亡其年
十二月慕容雋遂據臨漳盡有幽并青冀之地緣

河諸將奔散河津隔絕慕容恪攻齊

海西太和四年十月壬申有大流星西下有聲如雷
明年遣使免袁真爲庶人栢溫征壽春真病死息
瑾代立求救於符堅溫破符堅軍五月壽春城陷

流星光色論

天文別錄曰流星色青白者曰地厲其所墜者起兵
流星有光青赤長二三丈名曰天鴈軍中之類筆
也其國起兵將軍當從星所之

古今星釋曰流星之尾二三丈輝然有光光白長竟
天者人主之星也其色赤者將軍之星也又曰色

白者主使也色赤者將軍使也

流星犯日占

天文別錄曰流星犯日其下有喪亦曰王者惡之

古今注曰日麗于晝星麗于夜星流犯日是謂矣常犯謂去日七寸之內是也

古今星釋曰流星犯日在晡時其國有內亂流星犯日在晨時其下有彊臣竊主柄亦曰主弱臣彊之象
大象旁通曰流星犯日是謂反陽其國將棄祀不爾
有死君

漢成帝元成元年四月丁酉日晡時天暝晏隱隱如雷聲有流星頭大如缶長十餘丈皎然赤白色從

日下東南去四面或大如盂或如雞子耀耀如雨
下至黃昏止郡國皆言星隕如雨爲王者失勢諸
侯起霸之異其後王莽篡國

流星犯月論

天文別錄曰流星犯月光芒射月其國有女喪亦曰
女主惡之

古今星釋曰流星犯月隆隆有聲如雷者其國大臣
有叛謀亦曰人臣擅主柄

大象旁通曰流星入月中月無光不出其年有亡國
星出國後立又曰使星入月女主有疾

荆州占日使星入月中色青白君失其地若星流入
月中月光若不明將戮

河岳帝覽婦曰有流星在月上或在月下其國亂歷
上者事速歷下者事緩

荆州占又曰月暈在流星出暈中其國貴人出流星
入暈中有使入又曰月暈有流星從中出國憂赤
色有按城黃色益地白色來年熱黑色破軍

衆星俱流論

天文別錄曰衆星皆動搖其下民勞又曰天下民勞
怨衆星皆流下民徒流亡之象

古今星釋曰有大星流衆星從而流之其國失民心
人君將素祀亦曰爲亡國爲失民

大象彙通曰衆星相從而流光芒分數十岐其國有
死君亦曰有大喪

河圖遺書曰衆星流而震散其下大亂又曰流星無
名衆庶之象主其國衆庶流

廣古今占曰衆星俱流中從大星者其國主弱臣彊
亦曰諸侯兵不制

後漢光武建武十二年正月己未小流星百枚以上
或西北或正北或東北二夜止六月戊戌晨小流

星百枚以上四面行小星者庶民之象流行者移徙之兆也或西北或東北四面皆小民流移之徵是時西北討公孫述北征盧芳匈奴助芳侵邊漢遣將軍馬武騎都尉劉納閩興軍下曲陽臨平呼沱以備胡匈奴入河東中國未安米穀荒貴民或流散後三年吳漢馬武又徙鴈門代郡上谷關西縣吏民六萬餘口置常關居庸關以東以避胡是小民流移之象

晉懷帝永嘉元年九月辛卯有大星如月自西南流東北小者如斗相隨天盡赤聲如雷占曰流星爲

貴使星大者使大是年五月汲梟殺東燕王騰遂
據河北十一月始遣和郁爲征北將軍鎮鄴西田
甄等大破汲梟斬于樂陵於是以甄爲汲郡太守
弟蘭距鹿太守小星相隨者小將別帥之象也司
馬越忿魏郡以東平原以南黨於梟以賞甄等於
是侵掠桑地有聲如雷忿怒之象也四年十月庚
子大星西北隆有聲尋而帝蒙塵于平陽

晉懷帝永嘉元年十二月丁亥流星震散案劉尚說
天官列宿在位之象其衆小星無名者衆廢之類
此百官衆庶流散之象也是後天下大亂百官流

散展轉死矣

晉安帝隆安五年三月甲寅流星赤色衆多西行經
牽牛虛危天津閣道貫太微紫宮占曰星度人類
衆將西流之象經天子庭主弱臣彊諸侯兵不制
其年五月孫息侵吳郡殺內史六月至京口於是
內外戒嚴營陣屯守劉裕追破之元興元年七月
大饑人相食浙江以東流亡十六七吳郡吳興戶
口減半又流奔而西者萬計十月栢玄遣擊劉軌
破走之軌奔青州

唐咸通六年七月乙酉甲寅夜有大流星長數丈光

燦如雷羣小星隨之自南徂北其象南方有以衆
叛而之北也

五星俱流論

天文別錄曰五星循軌則見五星失行則流歲星流
其下有飢民亦曰有飢兵熒惑流則其野火旱亦
曰有兵喪鎮星流則其國有土役百姓流亡天下
勞怨太白流則其國有亂兵亦曰有叛兵戮主將
辰星流則其野大水溺人民毀城邑傷禾稼下民
移徙之象

古今星釋曰歲星熒惑相襲而流其下有暴死貴人

歲星辰星太白三星俱流其國有大兵起歲星鎮
星太白熒惑相襲而流其國有更王亦曰有改立
侯王若五星俱流其野有七國亦曰有更政

流星犯歲星論

荆州占曰流星入歲星色蒼黑則大農死色赤歲大
病天下饑色黃色歲樂足食

却前曰流星抵歲星大臣弑主一曰將相殺

流星犯熒惑論

天文別錄曰流星與熒惑相觸為兵亂亦曰天下起兵
古今星釋曰流星抵觸熒惑其國內亂亦曰天下有

改王

大象旁通曰流星貫熒惑其國殺大將色黃則大將
被斃

荆州占曰流星入熒惑國多讒臣天下備火

流星犯鎮星論

春秋緯潛潭巴曰流星犯鎮星其國民多事若其星
有大芒色黃主德昌

古今星釋曰流星抵鎮星其國有土功勞民亦曰民
勞怨流亡之象

大象旁通曰流星入鎮星其國有憂民饑流亡色白

期不出五月其國有兵若獄起

流星犯太白論

甘德曰流星入太白中國兵彊以戰亡又曰有兵喪
邾萌曰流星入太白中天子伐諸侯武士大將死又
曰流抵太白有急將

古今星釋曰流星犯太白其國有兵喪亦曰大兵爲
亂又曰叛兵殺主將

流星犯辰星論

巫咸曰流星入辰星中其國大水亦曰大理御史官
多死

古今星釋曰流星入辰星其野有洪水暴至亦曰江河暴決

大象旁通曰流星入辰星天下多喪有兵起亦曰春多霜秋多雨又曰流星襲辰星光相及其國大水若抵辰星主人戰敗亡地

乾象通鑑卷第一百

河間府免解進士臣李季奉

聖旨編

雜占總論

飛星論

奔星論

星隕如雨論

晝隕星論

星墜地論

常星晝見論

常星不見論

飛星論

天文別錄曰自下而升曰飛星

古今注曰飛星亦流星也自下而上曰飛

各以其所乏
之野命其國

天文志曰飛星大如缶若甕後皎然白前卑後高此
謂頽頽其所從者多死亡飛星大如缶若甕後皎
然白星滅後白者曲環如車輪此謂解銜其國人
相斬爲爵祿飛星大如缶若甕其皎然白長數丈
星滅後白者化爲雲流下名曰大滑所下有流血
積骨有飛星大如缶若甕後皎然長可十餘丈而
委曲名曰天刑一曰天飾將軍均封疆

古今星釋曰飛星所至其下有兵起亦曰有兵兵止
無兵兵起

大象旁通曰飛星所抵其分有內亂亦曰有急兵色
青赤蒼白者尤甚

漢陽朔四年閏月庚午飛星大如釜出西南入斗下
占曰漢使匈奴明年鴻嘉元年正月單于雕陶莫
臯死五月甲午遣中郎將楊興使吊

奔星論

天文別錄曰流星之大曰奔星奔亦流也奔星所墜
其下有兵亦曰破軍殺將

古今星釋曰奔星大如龜所墜之野國必亡亦曰不
有破軍必有死君

大象旁通曰奔星墜地有聲其國有大兵喪亦曰白衣之會

陳卓叙占曰奔星墜軍營中或墜圍城上墜營中則軍覆將死墜圍城則城陷亦曰有層城

晉孝武太元六年十月乙卯有奔星東南經翼軫聲如雷占曰楚地有兵軍破百姓流亡十二月符堅荊州刺史梁城襄陽太守閻震率衆伐竟陵柘石虔擊大破之生擒震斬首七千獲生口萬人聲如雷將帥怒之象也

星隕如雨論

天文別錄曰大星隕音殞下陽失其位災害之萌也

若星隕有聲如雷其下必爭亦怒之象也

古今星釋曰星隕如雨以爲從高及下之象亦曰民困之象也亦曰大人有憂

陳卓叙占曰星隕爲石其野有兵亂亦曰大人惡之
曆古今占曰星隕于天自夜至曙者天下大亂爲亡國爲無君

春秋莊公七年星隕如雨杜氏曰見星之隕而落于西遠若山若水不見在地之驗

僖公十六年隕石于宋不見所隕之星春秋各據事

而書也

漢成帝元延元年四月丁酉日暈時天暝晏隱如雷
聲有流星頭大如缶長十餘丈皎然赤白色從日
下東南去四面或大如盂或如鷄子耀耀如雨下
至黃昏止郡國皆言是隕春秋星隕如雨爲王者
失勢諸侯起伯之異也其後王莽遂顛國柄王氏
之興萌於成帝時是以有星隕之變後莽遂篡國
後漢殤帝延平元年九月乙亥隕石于陳留四傳曰
隕星也董仲舒以爲高天下之象或以爲廢人惟
星隕隕民困之象

晉武帝泰始四年七月星隕如雨皆西流占曰星隕
爲百姓叛西流吳人歸晉之象也六年吳夏口督
孫秀率部曲二十餘人來降

大康元年八月壬子星隕如雨劉向傳曰下去其上
之象後三年帝崩而惠帝立天下自此亂矣

梁武帝中通四年七月甲辰星隕如雨占曰星隕陽失
其位災害之象萌又曰星隕如雨人民叛下有專
討又曰大人憂其後侯景叛亂帝以憂崩人衆奔
散皆其應也

隋煬帝大業十二年五月癸巳大流星隕于吳郡爲

石占曰有亡國有死王有大戰破軍殺將其後大
軍破逆賊劉元進于兵部斬之

隋文帝開皇十九年十二月乙未星隕于渤海占曰
陽失其位災害之前也又曰大人憂

晝隕星論

天文別錄曰星麗半夜而晝出是謂又明星見半夜
而晝隕是謂陽失其位二者皆災害之前也亦曰
爲大孽

古今星釋曰日旁星隕其國有邪臣掩主聰日上有
星隕其下有亡國亦曰改王日下有星隕其下主

弱臣彊亦曰天子受制

大象旁通曰有星晝隕中天者其下有急兵亦曰破
軍殺將其地受制

晉惠帝太安二年十一月辛巳有星晝隕中天北下
光變白有聲如雷案占名曰營首營首所在下有
大兵流血明年劉元海石勒攻略并州多所殘滅
王浚起燕伐引鮮卑攻掠鄴中百姓塗地有聲如
雷怒之象也

星墜地論

天文別錄曰凡星昏墜者武臣被害其歲不豐夏隆

國易主秋隆大凶冬隆即吉又倭者國有死亡星
隆如石天下兵起流血萬里為砂大兵起國主亡
為草木而兵起國亡為土國饑流血為金鐵天下
兵為水天下水為鳥獸兵起為人善惡如言又曰
衆星隆人失其所也凡星所隆國易政又曰星隆
當其下有戰場天下亂期三年又曰奔星之所隆
其下有兵列宿之所隆滅邦家衆星所隆衆庶亡
又曰鎮星隆海水傾亦曰驥音奔星隆而渤海決星
隕如雨天子微諸侯力政五伯代興更為盟主衆
暴寡大并小又曰星辰附羅天猶廢人附羅王者

也王者失道紀綱廢下將叛去故星叛天而隕以見其象國有兵凶則星墜爲鳥毀天下將亡則星墜石飛蟲天下大兵則星墜爲金鐵天下有水則星墜爲土國主亡有兵則星墜爲草木兵起國主亡則星墜爲人而言者善惡如其言又曰國有大喪則星墜爲龍

魏武帝四年九月丁未高祖國王壁城有星墜於營衆驢皆鳴占曰破軍殺將高祖不豫五年正月丙午崩

晉惠帝光熙四年十月庚子大星西北墜有聲尋而

帝蒙塵于平陽

唐玄宗天寶三年閏二月辛亥有星如月墜于東南
墜後有聲

常星晝見論

天文別錄曰常星與日並出名曰嫁女星與日爭光
武且弱文且彊女子爲王在邑爲喪在野爲兵又
曰臣有姦心上不明臣下縱橫大水浩溢又曰星
晝見虹不藏臣人明星奪日光天下有立王

常星不見論

天文別錄曰常星不見謂列宿不見也占曰列宿當

見不見主中國微弱夷狄盛彊之象也

古今星釋曰常星不見常星者在位之類不見者諸侯背叛之象也又曰常星不見諸侯不佐王者奉順法度無君之象也

大象旁通曰常星不見主不嚴法度消又曰常星不見天子失政諸侯橫暴又曰常星列宿不見象中國微滅也

乾象通鑑卷第一百

乾象通鑑